

建寧府志卷之三十三

人物

儒林

五代

孟貫字一之建安人以禮義文章節儉為當時師範人稱孟夫子仕於周

宋

黃晞字景微年少時以有道稱閩中泉守陳靖福守陳絳爭延請之躬率諸生試聽講席晞學無

建寧府志

卷之三十三

儒林

二百七十一

不通尤游心春秋周易其說以左氏凡例得聖人之微鄭康成象數極天地之蘊學者校量攻擊莫能窮粵突也嘗做論語法言著書十篇發明聖賢道義之隱微與古今治理得失自題曰聾隅子欬欬瑣微論其解曰聾隅者拊物之名欬欬者兼歎之聲瑣微者迷之之謂也又著揚庭新論十篇指陳當世之務景祐中年四十矣始隨鄉貢至禮部又上五十策求應直言詔科俱以後時不得與試歎曰老大不隅豈能復從





諸少年場屋間乎然欲閱天下義理觀未見者  
當居京師遂僦舍僻處而士子競造其門一時  
公卿大夫交章論薦朝廷用丞相韓魏公言將  
以爲國子監直講晞自謝於富丞相曰某豈任  
仕宦者邪必不可辭願得七品閑官還南方足  
矣特詔授太學助教致仕嘉祐二年無疾卒於  
僦舍囊無餘貲惟蓄書數萬卷閩人蘇頌方仕  
於朝門人范遷張粵議請頌主其喪而韓魏公  
亦遣使爲幹殯且奠以文以爲晞之道德不用

建寧府志

卷之三十三

儒林

二

三百廿八

列

於朝引爲已過已晞子挈襁載遺書返不能歸  
橐殯于江都縣楊子寺後圃晞交遊故人因共  
爲復土就葬其地其未葬也川陸之經繇者識  
與不識皆過其下咨嗟畱連或爲歌詩哀辭或  
書名屋至於木膚竹籥題記殆遍其無位而得  
民至誠而感物如此江都宰羅適爲作聲隅先  
生祠堂而請蘇頌記之

練未字彥本建安人幹譽子累試禮部不利閉門  
著書有大易發微二禮釋疑宋野遺民集



鄭穀字致遠建安人鎮之子也初就學晝夜誦山  
庸不息父戲之曰此篇句讀易讀耶穀拱而對  
曰讀書止於句讀安用之竊意聖人之道在此  
書也既冠入國學嘗執父喪火延喪室穀抱棺  
叩頭慟哭不去已而火焚喪室柱至其半而止  
鄉人名爲止火柱累舉未第歎曰昔之求道者  
尚友於古人吾今未能及大賢之門其可已乎  
遂走河南值二程已逝乃遊謝良佐之門而學  
焉政和六年以八行舉尋第進士調御史臺主  
簿秘書郎出守臨江軍巧祠歸自號九思

建寧府志

卷之三十三

儒林

三百一

吳棫字才老建安人時號通儒著論語十說及考

異語解諸書嘗患字學訛誤作補韻若干篇朱  
熹評近代考訂訓釋之學唯才老及洪慶善爲  
優遂據其說以協三百篇之音

丘富國字行可建安人嘗受學於朱熹門人淳祐  
中登第爲端陽僉判宋社旣屋遂不仕著周易  
輯解十卷經世補遺三卷易學記約五篇以發  
明朱氏宗旨



初與立字子權受業朱文公之門知遂昌縣因家  
蘭谿學者宗之一稱谿山先生所輯有朱子語略  
二十卷

余允文字隱之建安人以孟軻亞聖而司馬光作  
疑孟數篇李觀鄭厚著常語及藝圃折衷皆肆  
詆毀乃作尊孟辨三十餘條闢之朱熹是其說  
又爲之訂定云

游倪從朱文公所著有癸丑答問

鄭儀孫建安人號沈翠屏從丘富國學易成淳癸酉

建寧府志

卷之三十三

儒林

四

三百四

應賢良舉又明年少帝北行儀孫退而著書易  
圖說詳解大學中庸章句史學蒙求箋註性理  
字訓太守吳率幕屬迎於學師事之

吳秘字君謨甌寧人景祐初登進士甲科後爲侍  
御史兼知諫院以言事出知濠州提點京東刑  
獄御書刑政二字賜之秘好學著周易通神五  
卷注楊子牋太元參政孫林上其書名藏書府  
嘗歎春秋三傳同異欲作春秋集解以省府闕  
委因乞閑穉補同安守仍畀以轉運使祿秩省



府判官請罷理轉運資序自秘始

林志寧甌寧人嘗詣文潞公求教彥博云此無以相益有二程先生者可往從之因詣程氏求見遂與游酢楊時爲同門友

程元字善長甌寧人一名駘仲溫恭曠達自預舍選一時後生學士皆慕其行罷守張銖以經明行修薦不報時胡憲典教建寧元與邑人龔何叅學政後十年憲爲撫屬以事至建州二人皆已卒作詩悼之

建寧府志

卷之三十三

儒林

五

三百三十三

葉湜字子是舉進士以父任調新化籍遭母喪服闋從江淮宣司辟以論軍事不合去尉頓之寧都改承仕郎丞惠安縣時守泉者真文忠公文忠嘗言僚佐之賢者數人而湜與昭武李方子公晦其最公晦學邃氣平本經術明世用子是堅彊介直遇事無難意處劇亡勅容他人所不能爲與所不敢者吾盡舉屬之二人勁易不同同歸於是文忠旣得二人之助一人亦相得甚歡也湜仕終安仁令壯歲遊朱文公之門得直



養之說故其為人磊落明白無所回隱每自謂平生與賓客言者皆可語妻子

宋咸字貫之建陽人天聖二年進士累官知邵武軍立學置田以養士移守韶州表誅悍卒境內肅然狄青經制廣西移咸為漕轉職方員外郎奏乞於瓊管立學賜經史以變縻風官至都官郎中所著有易訓毛詩正紀外議論語增註楊子法言註朝制要覽諸書五世孫翔登第為湖南帥參

南帥參

建寧府志

卷之三十三

儒林

六

三百五

江側字處中建陽人性純一以儒學教授其鄉熙寧中以學究出身嘗與游定夫施景明葉祖洽講肄於邑之石壁山官將作監主簿歷饒信洪三邑今與族子汝舟號二先生

游醇字質夫復猶子醇夙以文行知名所交皆天下士從弟酢得游程門與楊中立倡道閩南而醇私淑家庭上下議論參考互訂文章理學一時推重仕至奉議大夫

游復字執中建陽人篤實純明居鄉以經學教



生徒凡受業其門者往往率德自好嘗一舉於有司不第遂終身不求舉楊時誌其墓曰德足以私淑諸人學足以垂世傳後而士之欲求師友者莫宜於先生也不幸老死於窮簷陋室之間而不大顯於時可哀也已

江杞字堅老建陽人政和二年進士歷仕州縣民安其政爲御史致仕里居十有五年講學著書不輟魏守魏疇見其所註孝經歎曰孟子有言其君用之則安富尊榮其子弟從之則孝弟忠

建寧府志

卷三十三

儒林

七

三百三十一

信他日變此邦爲曾閔其必由此書也

江錡字全叔建陽人舉宣和辛丑進士文行推重於時所從遊多鉅人長者著有春秋經解三十卷辨疑一卷楊龜山見而稱之又著語孟說各五卷歷官宣教郎永州教授終徽猷閣學士丘義字道濟一字仁卿號子野建陽人隱居不仕穎敏嗜學該貫子史尤邃於易與朱熹友善所著有易說傳於世熹爲書芹溪小隱四字扁其堂又著復齋銘并芹溪九曲等詩以貽之



丘膺字子服義從弟從朱熹遊稱爲老友嘗與列  
定周子通書及論老子管魄楊子載魄之義蔡  
元定謫春陵膺載俎遠郊涕泣不忍別羣儕皆  
感動熹得春陵信輒以告膺蓋歎道之孤不但  
平生交好之情而已

吳翊字晦叔建陽人師胡五峰五峯沒又與其弟  
廣仲子伯逢就張敬夫論學翌生不忠信撫幼  
孤曲有恩義與人交表裏輝竭心所不安者告  
語切至而不失其和故朋儕多受益而樂親之

建寧府志

卷之三十三

儒林

八

三頁八

葉衡山稱其賢妻之以女翌因導其子定謁張  
敬夫受學定卒爲修士翌之力也敬夫門人在  
衡湘者日從翌參決所疑舊有嶽麓書院設山  
長教授生徒尋廢五峯嘗請復之乾道初帥守  
劉琪始復書院猶虛山長後轉運副使蕭之敏  
以禮聘翌翌曰侯之意美矣然此吾先師之所  
不得爲者豈可以苟德當之哉力辭不赴築室  
衡山下有竹林水沼之勝取程子澄濁求清意  
榜曰澄齋日與士友講道讀書翛然自樂及幾



朱熹爲志狀

葉味道原名賀孫其先<sub>二</sub>蒼人後居建陽之後山少刻苦師事朱熹試禮部第一時僞學禁起味道對策率本程願知貢舉胡紘曰此必僞徒也黜之復從熹於武夷山禁解乃登第授鄂州教授遷宗學諭論對言人主之務學天下之福也必堅志氣以守所學謹幾微以驗所學正綱常以勵所學用忠言以克所學授太學博士兼崇政殿說書帝忽問鬼神<sub>一</sub>之理疑伯有之事涉於

建寧府志

卷之三十三

儒林

九

三百十

列

誕味道對曰陰陽二氣之散聚雖天地不能易故聖人設爲宗祧以別親疎遠邇正所以教民親愛參贊化育故伯有爲厲立子洩以奉其後則神莫不寧矣蓋諷皇子竑事也三京用師廷臣邊將交進機會之說味道進議狀以爲科配日繁餽餉日迫民一不堪命龐勳黃巢之禍立見是先播其本無益於外也遷秘書著作佐郎卒帝出內帑贖其喪所著四書說大學講義說文脩子采字仲圭少從蔡淵學淳祐初登第授



邵武軍轉景獻府教授集近思錄集呈上悅遷  
爲秘書監論郡守貪刻上納之遷樞密檢討累  
官翰林侍講乞歸所著有集解近思錄西銘性  
理等書行世

劉懋字子勉幽十一代孫也博學通經文辭奇備  
長受學於屏山先生得其論著經史大義數篇  
繼從胡籍溪遊始知爲學大旨自是易象天文  
地理律曆之奧無所不通而皆能訂其得失紹  
興間以特奏名出身授迪功郎任會昌西尉兼

建寧府志

卷之三十三

儒林

十

一百十八

學事秩滿轉文林郎奉祠監衡州南嶽廟以朝  
奉大夫致仕杜門掃軌學以聖賢爲師一時鄉  
人子弟多造就知名學者稱爲恒軒先生子燭  
字季明燭之弟進士授進賢縣丞遷固始令早  
從朱熹學聞正心誠意之旨比挂冠歸武夷徜徉  
九曲之間悠然自尋其樂焉

蔡沆字復之元定次子更名仁知方從學朱熹嘗處  
困乏裕如也承父春秋之屬未得要領偶讀豁  
然曰易之一卦一爻義各異謂春秋以一例



該眾事可乎久之讀書至道心人心歎曰春秋二百四十餘年間諸侯大夫行事其發於道心者無幾故贈仲子納郤鼎皆據大義以止私欲之流一書綱領大率在此矣復講明敬義大旨復卦大要作春秋五論而自爲之序初沆遵父命嗣外戚虞英及晚年而母不欲爲他人後也沆乃以子楠子欄歸蔡而子梓爲虞氏後兩全父母之命學者稱爲復齋先生

范念德字伯崇如圭子也從朱熹游深潛溫厚初

建寧府志

卷之三十三

儒林

十一

三百十四

授廬陵簿以幹敏聞就辟吉州錄事叅軍廉勤惻惻一郡稱之累遷朝奉郎江東路帥司機宜熹嘗得念德所著禱言讀之曰持守不差見理漸明後熹疾革手書囑其修正禮書仕終宜黃令

游九言字誠之建陽人初名九思湖南叅議官嘗之子慷慨善論十歲爲文詆秦檜從張栻游栻教以求放心九言遂致力心學久之有得嘗序太極圖曰周子以太極加無極何也方其寂然



無思出善未發是無極也雖然未發而此心  
然靈源不昧是太極也欲知太極先識吾心學  
首多師之號默齋九言銳志當世務早承祖蔭  
舉江西漕司進士第一歷古田尉江州錄事公  
海制司幹官入監文思院嘗被旨視諸邑災傷  
歸白都堂放苗八分以上孝廟贖宮有司妄費  
希賞九言上書極諫內侍切齒張栻帥廣西辟  
幕下栻弟杓帥金陵復辟撫幹時學禁方嚴九  
言記上元縣明道祠痛譏之調全椒令以不便

建寧府志

卷之三十三

儒林

十一

三十一

養親丐祠開禧初爲淮西安撫機宜文字尋知  
光化軍克荆鄂宜撫參謀官未行而卒端平間  
特贈直龍圖閣謚文靖有語錄詩文傳於世

熊以寧少從朱文公遊舉進士授光澤簿剛直正  
大一介不妄取予嘗曰學顏子之學志伊尹之  
志分內事也有大學釋義中庸續說行世

劉炳字韜仲建陽人與兄煥從朱熹講學於寒泉  
精舍時熹編集程氏遺書方成炳兄弟研窮  
讀晨夜不怠熹嘗大書杜甫諸葛大名垂



一詩屬望之淳熙五年中進士乙科累官兵部郎中朝請大夫丐祠閒居讀書不輟自號悠然翁弟炯亦從熹學登進士爲固始令

熊節字端操十歲讀易日誦二卦卽知問難至通曉而後止慶元中廷對條陳三德累官通直郎致仕有中庸解三卷智仁堂彙十卷又有性理羣書

劉屋字伯醇建陽人煥之子也自號靜齋累官承務郎知江寧縣辟制置司幕官以收李全功進

建寧府志

卷之三十三

儒林

三

二百六

秩朝請大夫歷知常州改南劍州以疾不赴與其徒熊竹谷輩講道終老

熊夢胄字竹谷少受業於蔡淵後遊真德秀劉屋之門潛心問學不求聞達所著有三禮通議春秋約說等編趙庸齋在史館時嘗以三朝通略上聞有旨下建觀抄錄且薦之入館同預史事力辭不就

熊剛大少穎敏從蔡淵黃幹遊問學精專操行篤至爲建安教授所著有詩經註解性理小學集



解學者稱爲古溪先生

游開字子蒙操季子也同上舍出身從朱熹游編集中庸熹和劉叔通詩有遠懷子蒙唐律之韻又答張孟遠書云友人游子蒙定夫先生從孫議論文學皆優瞻可與晤語者計當自識之

蔡模字仲覺況長子操行高潔風度夷坦隱居篤學嘗輯朱文公書爲續近思錄及易傳集解河洛探賸大學衍論語孟集疏等書淳祐中宰相謝方叔湯恢乞表異以勸後學有旨補迪功郎

建寧府志

卷之三十三

儒林

十四

三百十八

劉

添差本州教授令有司錄所著書并訪以所欲言模疏言敬義爲萬世帝王心學大旨价人大師等六者爲國家守邦要道及請頒白鹿洞學規於天下卒學者稱覺軒先生

劉應李字希泌初名榮建陽人炳之孫也咸淳甲戌進士乙科授建陽主簿入元不仕退與熊禾胡廷芳講明正道於洪源山居十有二年建化龍書院於菖潭聚徒講授學者雲集

章才邵字希古崇安人元振子也少謁楊時時誨



以熟讀論語於論仁處子細玩味而躬行之才  
邵用是有得故日用踐履莫非其所聞所知者  
世目爲篤實君子

吳楫字公濟崇安人幼穎悟紹興末鄉試不第退  
居田里閉戶讀書與朱熹李郁講明性理之學  
及儒釋之辯甚悉熹扁其讀書所曰悅齋遣子  
師之晚年以特恩補官調臨桂簿

歐陽光祖字慶嗣崇安人九歲能文時目爲童瑞  
從劉子翬朱熹講學子翬貽書於熹曰自古擇

建寧府志

卷之三十三

儒林

五

三百十八

交最難道同志合未有若吾慶嗣者熹亦嘗遣  
三子師事之登乾道八年進士趙汝愚張栻列  
薦於朝方欲名用而汝愚去國光祖賦詩有曰  
白髮駸駸吾老矣名場從此欲投簪熹和之云  
江山風月依然在何日重來再盍簪後爲江西  
轉運歸休松坡之上終焉

翁易字粹翁崇安人通六經尤長於春秋嘗預計  
偕從劉焞遊因得登朱蔡之門講明義理往復  
辨難悉究其旨晚授徒竹林精舍人稱竹林先



生

江默字德功崇安人灝之孫也乾道五年進士調  
泉州安溪尉考垂滿父訃至卽解官歸後知建  
寧縣卒于官民像而祠之默生平好學從朱熹  
遊熹稱其他無嗜好一意詩書亦不多得嘗考  
國朝典章凡三十六卷上之又有易訓解四書  
訓詁又作象註疏

祝洙寶祐四年進士家庭講論精密嘗著四書集  
註附錄宰執程元鳳蔡杭取其書進呈除廸功

建寧府志

卷之三

儒林

六

三百爾

郎興化軍徐直諒薦其學行於朝

徐幾字子與崇安人號進齋通諸經尤精於易理  
學之傳自朱真以後稱幾得其妙景定間以白  
衣薦崇政殿說書補廸功郎添差建寧府教授  
兼建安書院山長士多及門請質卒年七十五  
有經義行於世所著詩文僅存什一

章望之字表民浦城人以伯父得象蔭除秘書省  
校書郎監杭州茶庫踰年辭疾去上書論時政  
凡萬餘言不報兄拱之知晉江縣忤其守得



望之號訴於朝拱之竟得脫歐陽修韓絳吳奎  
劉敞范鎮同薦其才除簽書建康軍節度判官  
又除知烏程縣俱不赴遂以光祿寺丞致仕卒  
望之喜議論宗孟軻言性善排斥荀卿楊雄韓  
愈李翱之說著救性七篇歐陽修論魏梁爲正  
統望之以爲非著明統三篇李觀謂仁義智信  
樂政刑皆出於禮望之著禮論一篇以訂其說  
又有歌詩雜文數百篇集爲三十卷詳見宋  
史本傳

練繪字質夫浦城人少同楊時遊程頤之門甚器

建寧府志

卷之三十一

七

三百一

之登大觀三年進士浮沈州縣不以軒冕爲榮  
而以名教爲樂官至奉議郎

楊昭述字宗魯浦城人賦性醇雅而長於議論鄉  
人多師之王簿陳襄待以殊禮嘉祐特奏名出  
身授池州石埭尉始至進秀民教之邑人相率  
趨學呼爲楊夫子任滿調雷州海康縣令卒

蕭顛字子莊浦城人天資樸實少孤事母以孝聞  
母喪寢苦枕塊廬墓終喪有靈芝生几筵間晚  
以累舉得官爲清流王簿終歲而歸徜徉自得



不以世故櫻念與李郁陳淵羅從彥同受業  
時之門朱松嘗師之答學者書云士之所志惟  
仁必欲熟惟義必欲精仁熟則造次顛沛有所  
不違義精則利用安身而德崇矣

潘殖字子醇浦城人自號浩然子進士累調真州  
推官初好王氏之學後悟其非是迺以克己為  
學至忘寢食久之有得於是述忘筌書三卷理  
性書九篇劉勉之胡憲劉子翬皆喜其書子翬  
跋其後極稱其得學易門戶於易之復殖又嘗  
畫觀象元契二圖大抵以背境回光為主與忘  
筌書理性理並行於世

建寧府志

卷之三十三

儒林

六

三百十

文

劉翔字圖南浦城人通諸經尤注意於易以累舉  
得官調蘄春尉因上其所著易卦辭有旨看詳  
監學以通經旨聞授福州教授翔謂教官實風  
化所係要當上不負天子中不負州郡下不負  
子弟入學之意在官四年軒輊抑揚盡合公論  
再更潭州多士歸心以疾卒於官年六十九所  
著有經進易解十卷翰林洪邁為之序



郭縝字天錫浦城人自幼讀書如素習弱冠鄉舉  
第二人晚得官調上杭簿留意邵雍象數之學  
兼取楊雄所擬列山氏易以章會統元推之久  
而成書計二萬八千言釐爲二十卷總之以圖  
名易春秋隆興紀元以其書上會得疾卒  
練逢字彥默浦城人登進士第授撫州司戶任劍  
浦令改本州軍事推官部使者交薦之改秩而  
卒楊時銘其墓云孝爲於親學傳于人政得于  
民吁嗟乎君未聞而終于暮賓

建寧府志

卷之三十三

七

二百九十八

謝綽中政和人時方崇尚王氏新經綽中間讀儀  
禮朱松見而異之卽與俱歸勉其所未至紹興  
登進士調秦寧簿自以不能俯仰領祠歸朱熹  
爲序其文集

元

張復字伯陽建安人爲建寧路知事從陳儀孫學  
易得丘氏之傳嘗輯諸儒議論編性理遺書十

四卷

雷德潤字志澤一名逢辰建安人父龍濟宋鄉貢



進士以徇國死於難德潤學遂於易旁通諸子  
及律曆術數之學舉明經歷除福州路教授樽  
節租入崇建殿宇修置禮器及買田立義莊以  
贍士調長樂主簿卒德潤為學先德行而後文  
藝講論必以程朱為主教人必以聖賢為法以  
子機貴贈秘書少監

鄒文慧字奉和任司訓元末謝職服柴桑巾服講  
明朱學本理學推文慧為首

李文字士則聰敏篤學遊熊禾之門與杜本友善

建寧府志

卷之三

儒林

三

二百九十五

談議間一以講學為事聲聞四馳學者羣然取  
正皇慶初舉為蘇州學教授

明

楊應詔字天游建安人少開美有器度以孝廉通  
籍泊如也絕意仕進以道學為己任老而彌銳  
識者謂得紫陽之正學隆慶間祀鄉賢所著有  
道學淵源天游集困學錄諸書

熊燠字文明少從侯官林珙學易與晉江蔡清同  
稱高弟授翁源訓導後謝病歸門人感泣道左



所著有四書尚易管天

趙旻崇安人拔貢授蘭溪教諭以老解組提學院  
鶚再詔講學三年分歸乃游廣中受業湛甘泉  
門下二年送歸以詩云忘家忘病又忘身三月  
天關不見人我欲移居仙掌上因風先報武夷  
君嘉靖壬戌遭倭厲聲罵賊至鉗舌而不絕至  
今人壯其氣節